



Na osnovu člana 62. i 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj:35/05) i člana 43. Statuta Općine Bosanski Petrovac–prečišćen tekst („Službeni glasnik općine Bosanski Petrovac“ br.7/08), a u vezi člana 3 Odluke o načinu odabira projekata nevladinih/neprofitnih organizacija po LOD metodologiji („Službeni glasnik općine Bosanski Petrovac“ br.2/13), općinski Načelnik objavljuje:

**JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA U SKLOPU
„TEKUĆEG TRANSFERA NEPROFITNIM ORGANIZACIJAMA“ ZA 2018. GODINU**

Općina Bosanski Petrovac poziva sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima općine Bosanski Petrovac iz sljedećih prioritetnih oblasti:

1. Unapređenje stanja zdravlja i socijalne sigurnosti stanovništva, kroz omladinski volonterizam i građanske inicijative.
2. Zaštita i unapređenje životne sredine i izgradnja ekološke svijesti.
3. Promocija i afirmacija starih, tradicionalnih zanata, kulturnog nasljeđa i turističkih destinacija na području općine Bosanski Petrovac s ciljem stvaranja preduslova za razvoj zanatstva kao mogućeg izvora prihoda nezaposlenim i drugim socijalno ugroženim kategorijama stanovništva.

Ukupna raspoloživa sredstva „tekućeg transfera neprofitnim organizacijama“ po Budžetu Općine Bosanski Petrovac za 2018. god. iznose 15.000,00 KM.

Sredstva za pojedinačne odobrene projekte koji će biti dodjeljeni u okviru ovog poziva iznosiće minimalno od 1.000,00 KM, a maksimalno do 3.000,00 KM.

Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije. Dužina trajanja svakog projekta može biti 6 (šest) mjeseci.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD-e i NVO-e (udruženje/udruga ili fondacija), u skladu sa važećim zakonskim propisima u Bosni i Hercegovini. Sve zainteresirane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u smjernicama za podnositelje projekta u okviru javnog poziva.



PREUZIMANJE DOKUMENTACIJE:

Dokumentacija za prijavu na Javni poziv za općinu Bosanski Petrovac može se preuzeti od *petka, 06.07.2018.god.*, slanjem zahtjeva sa nazivom zainteresirane organizacije na e-mail: opcinabp@bih.net.ba ili lično preuzimanjem na info pultu zgrade općine Bosanski Petrovac, Ul. Bosanska 110. 77 250 Bosanski Petrovac. Sve potrebne informacije i elektronska verzija cijelog paketa prijavnice dokumentacije može se naći i na službenoj web stranici općine: www.bosanski-petrovac.gov.ba

Pitanja u vezi sa javnim pozivom mogu se postaviti putem e-mail adrese opcinabp@bih.net.ba, sa naznakom za javni poziv. Odgovori na upite bit će dostavljeni u pisanoj formi unutar 3 radna dana od primitka upita. Odgovori na upite će zbog transparentnosti biti prosljeđeni svim potencijalnim podnositeljima prijedloga ili javno objavljeni na općinskoj web stranici.

PREDAJA APLIKACIJA:

Ispunjena aplikacija (sa kompletnom zahtjevanom dokumentacijom) mora se dostaviti u tri (3) primjerka u štampanoj formi i jednoj elektronskoj kopiji (CD ili USB) u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 15:00 sati, na sljedeću adresu, sa naznakom za Javni poziv organizacijama civilnog društva/neprofitnim organizacijama za predaju prijedloga projekata u sklopu „tekućeg transfera neprofitnim organizacijama“ za 2018. Godinu, Općina Bosanski Petrovac, Bosanska 110, 77 250 Bosanski Petrovac. Elektronska kopija mora minimalno sadržavati obaveznu projektnu dokumentaciju (projektni prijedlog, pregled budžeta, matricu logičkog okvira i plan aktivnosti i promocije).

Rok za predaju aplikacija je 27.07.2018.god., u 15:00 sati. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Vanjska strana koverta mora sadržavati naziv poziva za predaju prijedloga projekata, puno ime i adresu podnositelja projekta, puni naziv projekta i navod “Ne otvarati prije zvaničnog otvaranja”. O primljenoj pošiljci u Općini će se voditi uredna evidencija i izdavati potvrde o prijemu.

Rezultati će biti objavljeni na web stranici općine Bosanski Petrovac kao i na oglasnoj ploči općine.

Broj: 01-14- *1314-1* /18

Datum: 05.07.2018. god. u Bos. Petrovac

Obradila:
Mirela Tešnjak

Dostaviti:
- Oglasna. Ploča;
- Novine;
- Web općine;
- Radio
- a/a



Općinski načelnik
Zlatko Hujic
Zlatko Hujic dipl.oec.